


**BOM.ba**  
Zmaja od Bosne bb,  
71000 Sarajevo

# PONUDA

**Ponuda softverskog rješenja za  
informacioni sistem Sastavnica materijala  
za proizvodnju**



Poštovani,

svakodnevno smo svjedoci problema sa kojima se suočavaju firme koje nemaju adekvatan softver koji bi ispratio njihovo poslovanje, a uz to i doprinio i značajnom napretku u poslovanju. Stoga, nudimo Vam softversko rješenje koje bi u krajnjoj liniji trebalo znatno olakšati i automatizirati poslovne procese u Vašoj kompaniji.

Kako se Vaša firma bavi proizvodnjom kancelarijskog materijala i školskog pribora, jasno je da se mnogo vremena troši na organizaciju informacija o sirovinama, njihovom stanju na skladištu, te prihodima i rashodima vezanim za njihovu potrošnju. Softver koji nudimo bi omogućio značajnu automatizaciju navedenih i njima sličnih procesa, uštedio vrijeme koje se troši na vođenje poslovnih datoteka, olakšao kontrolu stanja na skladištu te niz drugih funkcionalnosti, a koje će biti pobrojane u nastavku.

Kao naročito značajno unaprijeđenje ističemo to da će svaki radnik u svakom momentu imati pristup ažuriranim informacijama o trenutnom stanju, pa neće više biti brige o tome da li je verzija datoteke koja se trenutno koristi posljednja i najnovija. Važno je napomenuti i to da bi u sklopu softvera bila obavezna prijava na sistem kako bi se isti koristio, pa bi se samim tim omogućio i značajan uvid u rad svakog od zaposlenika, a što bi značajno povećalo sam nivo kontrole odgovornosti zaposlenika.

U sklopu ove ponude garantujemo:

- **jednostavnost** korištenja i **brzu obuku** radnika
- tehnologije **maksimalno prilagođene** Vašim potrebama
- dostupnost za svaku **nadogradnju** i **poboljšanje sistema**

U cilju obezbjeđivanja jednostavnog, a pouzdanog, blagovremenog, a korektnog sistema, te sistema koji će podržati sve Vaše zahtjeve, podržani su sljedeći moduli:

**1. Modul za autentifikaciju i verifikaciju na sistemu**, kojim su obezbijeđeni:

- prijava na sistem
- kontrolu nivoa ovlasti nad dokumentima i podacima
- spremanje informacija o tome ko je učinio izmjene nad dokumentima i podacima

**2. Modul za vođenje skladišta**, kojim su obezbijeđeni:

- unos novih materijala
- kontrola brojčanog stanja materijala
- definisanje minimalnih dozvoljenih zaliha
- obavješćavanje o dostizanju minimalnih zaliha za svaki proizvod
- za materijale koji imaju rok trajanja, bit ćete obaviješteni da uzmete one kojima rok ranije ističe

**3. Modul za kreiranje modela**, kojim su obezbijeđeni:

- kreiranje modela ( šta koji model treba da bi bio napravljen)
- baza modela
- broj proizvedenih modela
- broj naručenih modela

**4. Modul za upravljenje dokumentima**, kojim su obezbijeđeni:

- izvještaji u skladu sa Vašim potrebama (stanje na skladištu, materijali u skladištu, gotovi modeli u skladištu)

Uvođenjem ovog sistema zasigurno ćete napraviti iskorak, te otvoriti vrata svoje firme savremenim poslovnim praksama i omogućiti bezbolnije praćenje istih.

Prednosti koje će biti osjetne od samog početka korištenja su :

- uvid u trenutno stanje u svakom momentu
- manje vremena provedeno na kontroli unosa
- sve promjene u skladištu su transparentne i brzo dostupne
- jasna podjela odgovornosti i zaduženja među zaposlenicima
- jednostavno praćenje tokova novca i potrošnje materijala u odjelu proizvodnje

Pored pobrojanih, neke od dugotrajnih prednosti od korištenja našeg sistema su:

- lakše otkrivanje područja na kojima postoje nepotrebni rashodi
- poboljšanje radne produktivnosti radnika
- povećanje profita iz više razloga

## Zašto BOM.ba?

BOM.ba je lider u proizvodnji poslovnih informacionih sistema. Nakon više od 10 godina iskustva u praksi kao firma za softverski inženjering, te i činjenice da smo i sami firma koja koristi isti, razvili smo metodologiju koja osigurava potpuno zadovoljstvo klijenta. O našim uslugama i kvalitetama najbolje svjedoče brojni zadovoljni klijenti, a neki od njih su Zepter, Bira, Ambyenta, Limprodukt te Akova grupa, kao naši najpoznatiji klijenti, ali i mnogi drugi. Kako i sami zahtjevamo samo najbolje, tako je to i ono što nudimo.

Fokusirani smo na kvalitetu u svim segmentima našeg poslovanja: kvalitetni proizvodi, brze intervencije, kvalitetna tehnička podrška, te dobro organizirani poslovni procesi koji garantiraju brzinu isporuke u ugovorenim rokovima.

**Projekat smatramo završenim tek kada je klijent 100% zadovoljan isporučenim.**

Naše osoblje je obučeno tako da svoj posao obavlja profesionalno i na nivou. Ono što naša firma prakticira kao redovnu praksu jeste stavljanje na potpuno raspolaganje klijentu za sva pitanja i pomoći, vrši obuku korisnika prema potrebi klijenta, te je pristupačna za sve potrebne intervencije 24/7 besplatno u prvih 5 godina nakon kojih utvrđujemo cjenovnik za dalje usluge.

Za sistem koji Vam nudimo, procijenjena cijena je 7000KM, a vrijeme potrebno za njegovu implementaciju i prilagođavanje Vašim potrebama je 4 mjeseca.

***Nadamo se da je navedeno dovoljno da razmotrite našu ponudu i odaberete nas kao svog partnera, a mi ćemo zasigurno opravdati Vaše povjerenje.***

***Radujemo se potencijalnoj saradnji!***